



Broj 12/01-04- 3621-6/23  
Sarajevo, 22.02.2023. godine

**VLADA KANTONA**

n/r Šabaredžović-Klačar Mersiha  
Sekretar Vlade

(Ovdje)

**SKUPŠTINA KANTONA SARAJEVO**

**PREDSJEDAVALAČI SKUPŠTINE**

(Ovdje)

Zastupnik u Skupštini Kantona Sarajevo Nihad Uk u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj : 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka) na Četvrtoj radnoj sjednici Skupštine Kantona Sarajevo, održanoj dana 08.02. 2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu prema Ministarstvu kulture i sporta Kantona Sarajevo koja glasi:

**"Aktuelni Zakon o pozorišnoj djelatnosti iz 2013. godine nije usklađen sa zakonom o radu FBiH posebno u članovima 45. i 54., ali ni potrebama struke. S tim u vezi iniciram da ministarstvo kulture i sporta Kantona Sarajevo pokrene izmjene i dopune istog."**

**Odgovor na zastupničku inicijativu zastupnika Nihada Uka glasi:**

I - Nacrtom Programa rada Vlade i Skupštine Kantona Sarajevo planirani su u normativnom dijelu Programa rada za 2023. godinu:

1. Priprema i donošenje Zakona o kulturi za koji je provedena predrasprava, te je ovaj zakon u fazi pripreme izrade nacrta zakona.
2. Priprema i donošenje Zakon o izmjenama i dopunama Zakona o zaštiti kulturne baštine.

II - Pored navedenih, priprema i donošenje Zakona o sportu je u toku, jer je Zakon o sportu nakon obavljene predrasprave pripremljen u formi nacrta i upućen prema Skupštini na razmatranje i utvrđivanje nacrta, te određivanje da se provede javna rasprava;

III - Zakon o kulturi Kantona Sarajevo je okvirni zakon kojim se uređuje cjelokupna oblast kulture. Zakonom o kulturi Kantona Sarajevo, kada on bude donesen, biće propisana obaveza i određen rok za usklađivanje svih zakona kojim se uređuju pojedinačne kulturne djelatnosti, a među njima je pored Zakona o izmjenama i dopunama Zakona o zaštiti kulturne baštine i svakako pozorišna djelatnost.



U sklopu usaglašavanja Zakona o pozorišnoj djelatnosti sa Zakonom o kulturi, biće obavljene predrasprava i javna rasprava, kada će struka, naučni i kulturni djelatnici iz pozorišne djelatnosti, te šira kulturna javnost biti u prilici da se izjasne o svim aspektima usaglašavanja zakona, kao i o ovoj inicijativi zastupnika Nihada Uka.

Koordinator izrade odgovora  
na skupštinska pitanja i inicijative  
Dragan Vujmilović



**Dostavljeno:**

1. Naslov (1. i 2)
2. a/a